

Credunt enim subintelligendum esse על פי בנים *ex ore filiorum*, et hoc ius quoque ad PROPINQVOS GERMANOS reliquos pertinere affirmant. Quemadmodum uero primaria causa, ut mihi persuadeo, haec fuit, quod ueriti fuerint, ne PROPINQVI, qui contra PROPINQVOS *testimonium* ferre cogorentur, amore erga illos ducti, talia proferant, quae ueritati sint incongrua: sic contra ea de INIMICIS hominis accusati, qui ad undecimum genus personarum ad *testimonium* exhibendum inidonearum referuntur, sine dubio colligere poterant, hos uiros, ex iracundia erga fratrem suum, ueritatis, mandati, et iustitiae diuinae immemores futuros, grauissimaque scelera falso suo *testimonio* fratri accusato afficturos esse. Et hunc in finem aperte AMICI et INIMICI a *testimonio* ferendo reiciuntur, in codice SANHEDRIN, d) ubi expressis uerbis legitur: ואלו הן הפסולין האוהב והשונא אוהב זה שושבינו שונא כל שלא דבר עמו ג' ימים באוהב אל לא נחשרו כך *Et illi sunt illegitimi scilicet ad testimonium ferendum, amicus et inimicus, amicus, hic est paranympbus, uel pronubus, cuius auxilio pacta matrimoniorum facta erant; Inimicus, qui tribus diebus cum illo non locutus erat ex inimicitia. De illo enim dictum est: propterea non suspectus habeatur populus Israeliticus; quod nimirum in gratiam uel odium alterius falsum testimonium perhiberi patiatur. Cuius rei ueritas quoque ex alio loco et dicitur SANHEDRIN, e) nec non e R. OBA-*

G 2

DIAE

d) Cap. III. §. 5. fol. 186. col. 1.

e) Cap. cit. §. 1. quo loco relatum legimus, quod uni parti litigantium licitum fuerit, alterius partis testes, ob legitimas causas, ut ineptos a testimonio ferendo arcere, et sic uice uersa: זה פוסל עריו של זה זה פוסל עריו של זה דברי ר'ם וחכמים אומרים אמתי